

«Ս. ՍԱՀԱԿ - Ս. ՄԵՍՐՈՊ» ՇՔԱՆՇԱՆՆԵՐ՝ ԱԼԵՔՍԱՆԴՐ ՆԱՐՈՒԹՅՈՒՆՅԱՆԻՆ ԵՎ ՏԻԳՐԱՆ ՄԱՆՍՈՒՐՅԱՆԻՆ

Ն.Ս.Օ.Տ.Տ. Գարեգին Բ Ամենայն Հայոց Կաթողիկոսի սրբապառ լոնդակով անվանի երգահաններ Ալեքսանդր Հարությունյանին և Տիգրան Մանսուրյանին շնորհվել է Հայ Եկեղեցու «Ս. Սահակ - Ս. Մեսրոպ» շքանշան՝ արդի հայ երաժշտության զարգացման գործում ունեցած կարևոր ավանդի համար:

Ապրիլի 21-ին Մայր Աթոռ Ս. Էջմիածնում, Վեհարանի դահլիճում, տեղի ունեցավ հանդիսություն, որի ընթացքում Ամենայն Հայոց Հայրապետը շքանշաններ հանձնեց սիրված երգահաններին:

Մայր Աթոռի դիվանապետ Տ. Արշակ վրդ. Խաչատրյանի բացման խոսքից հետո երաժշտագետներ Արաք Սարյանն ու Աննա Արևշապյանն անդրադարձան Ալեքսանդր Հարությունյանի և Տիգրան Մանսուրյանի հարուստ և բազմաժանր ստեղծագործական ուղուն: Այս «Էջ Միածինն ի Հօր» շարականի երգեցողության ներքո բերվեցին Ամենայն Հայոց Կաթողիկոսի զույգ կոնդակները, որոնք հանդիսավորապես ընթերցեցին Արարաբյան Հայրապետական թեմի առաջնորդական փոխանորդ Տ. Նավասարդ եպս. Կոնյանը և Արմավիրի թեմի առաջնորդ Տ. Սիոն եպս. Աղամյանը:

Բարձր գնահատելով Ալ. Հարությունյանի և Տ. Մանսուրյանի ստեղծագործական վաստակը, Ամենայն Հայոց Հայրապետն իր սրբապառ լոնդակում առանձնացնում է նրանց նպաստը հոգևոր երաժշտության զարգացման գործում: Ալ. Հարությունյանի «Գթա Տէր»-ի անգլագական մշակումը հաճախ է հեղում Հայ Եկեղեցում՝ հոգեհանգստյան արարողության ժամանակ, իսկ Տիգրան Մանսուրյանի հոգևոր թեմաներով գրված գործերից հիշատակելի է հարկապես Սուրբ Ներսես Շնորհալի Հայրապետի «Հաւատով խոստովանիմ» խորագրով աղոթքների հիման վրա գրված նույնանուն երաժշտական ստեղծագործությունը:

Շնորհակալություն հայտնելով Վեհափառ Հայրապետին իրենց վաստակին փրկած բարձր գնահատականի համար՝ մեծանուն արվեստագետները հավաստիացրեցին, որ այսուհետև ևս պիտի նպաստեն հայ մշակույթի առաջընթացին:

Հանդիսության ավարտին Վեհափառ Հայրապետը մեկ անգամ ևս իր օրհնությունն ու գնահատանքը հայտնեց երգահաններին:

«Նրանք իրենց ստեղծագործական վաստակով ոչ միայն հռչակ, անուն, պատիվ և փառք են բերել մեր ժողովրդին, հարստացրել գանձարանը հայ մշակույթի, ճանաչել փրկել մեր ժողովրդին հաշտ օգարաց, այլ նաև կարևոր մի առաքելություն են իրականացրել մեր ազգի և մեր հայրենիքի կյանքում: Նրանք իրենց կարևոր նպաստն են բերել հայապահպանության սուրբ գործին: Հայրենիքից հեռու, օտարության մեջ ապրող յուրաքանչյուր հայորդի բերկրանք և ցնծություն է ապրում և հպարտության զգացումով փոքորվում, երբ զանազան հռչակավոր բեմերից հնչում է հայ արվեստագետի ստեղծագործությունը: Այն նոր ոգի է փոխանցում, ուժ է փալիս դիմակայելու բոլոր փորձություններին, ճանապարհ է հարթում

ղեպի իր ազգային ինքնությունն ու արժեքային համակարգը և կարծես թե նրա մեջ ուխտի վերանորոգում է կատարվում»,- նշեց Հայոց Հայրապետը:

Հանդիսությանը ներկա էին բարձրաստիճան հոգևորականներ, Գերագույն Հոգևոր հտորիքի անդամներ, ՀՀ Մշակույթի և նրիսասարդության հարցերի նախարար Թամարա Պողոսյանը, գիտության և մշակույթի անվանի գործիչներ:

Հանդիսության ընթացքում հնչեցին նաև երգահանների սրեղծագործություններից՝ Հայաստանի կամերային երգչախմբի կատարմամբ:

ՎԵՀԱՓԱՌ ՀԱՅՐԱՊԵՏՆ ԻՐ ՕՐՀՆՈՒԹՅՈՒՆԸ ՏՎԵՑ ՄԵԾԱՏԱՂԱՆԴ ԵՐԳՉՈՒՆԻ ԻԶԱԲԵԼ ԲԱՅՐԱԲԻՐԱՐՅԱՆԻՆ

Ապրիլի 19-ին Մայր Աթոռ Ս. Էջմիածնում Ն.Ս.Օ.Տ.Տ. Գարեգին Բ Ամենայն Հայոց Կաթողիկոսն ընդունեց «Մեարդապոլիտեն» օպերայի մենակատար, կանադահայ ճանաչված երգչուհի Իզաբել Բայրաբդարյանին:

Վեհափառ Հայրապետն իր օրհնությունը փոխեց մեծափառանդ երգչուհուն՝ իր գնահատանքը հաղորդելով նրան հայ եկեղեցական երաժշտությունն աշխարհի փարբեր բեմերից հնչեցնելու համար:

«Հաճելի է փոխել ճանաչում և հոջակ ունեցող հայուհու, որն իր քայլերն է ուղղել դեպի իր հայրենիքը՝ իր սերն ու նվիրումը բերելով Հայաստան աշխարհին ու Մայր Եկեղեցուն՝ Սրբություն Սրբոց Ս. Էջմիածին: Դուք Ձեր գործունեությամբ և անդուլ աշխատանքի շնորհիվ գալիս եք հոջակը հավելելու մեր ազգի, պանծացնելու ինչպես Ձեր անունը, այնպես էլ մեր ազգի»,- նշեց Նորին Սրբությունը:

«Վեհափառ Տեր, հոգուս և սրտիս սնունդն է հայ հոգևոր երաժշտությունը, քանզի անկարելի է ապրել առանց հավատքի, և այն բոլոր շնորհները, որ Աստված ինձ պարգևել է, պիտի ի սպաս դնեմ հանուն մեր հայրենիքի և մեր Սուրբ Եկեղեցու»,- շնորհակալություն հայտնելով ջերմ ընդունելության համար՝ հավաստեց Իզաբել Բայրաբդարյանը:

**ՄԱՅՐ ԱԹՈՌ Ս. ԷԶՄԻԱԾՆԻ
ՏԵՂԵԿԱՏՎԱԿԱՆ ՀԱՄԱԿԱՐԳ**